

егемен  
Алғарасат

## Құқық қорғау жүйесі жаңа сапаға көтеріледі

Кеше Орталық телекоммуникациялар қызметінің мінберінен Президент Әкімшілігі Құқық қорғау жүйесі бөлімінің менгерушісі Алик Шпекбаев журналистерге брифинг беріп, құқық қорғау органдарын реформалау барысы, сонымен қатар, Мемлекет басшысының «Қазақстан-2050» Стратегиясы мен 2014 жылғы 17 қаңтардағы Жолдауынан туындастын тапсырмаларды іске асыру жөнінде айтты. Кеше Орталық телекоммуникациялар қызметінің мінберінен Президент Әкімшілігі Құқық қорғау жүйесі бөлімінің менгерушісі Алик Шпекбаев журналистерге брифинг беріп, құқық қорғау органдарын реформалау барысы, сонымен қатар, Мемлекет басшысының «Қазақстан-2050» Стратегиясы мен 2014 жылғы 17 қаңтардағы Жолдауынан туындастын тапсырмаларды іске асыру жөнінде айтты. Мемлекет басшысы осы жылғы 17 қаңтардағы «Қазақстан жолы – 2050: бір мақсат, бір мұдде, бір болашақ» атты Жолдауында ең басты мақсат әлемдегі дамыған 30 мемлекеттің қатарына ену екенін атап өтті. Осы орайдағы негізгі міндет – сыйбайлас жемқорлыққа қарсы жаңа стратегияны қалыптастыру және оны іске асыру. Міне, осы міндетке байланысты құқық қорғау органдары қызметінің тиімділігін арттыру бойынша нақты тапсырмалар берді, деді А.Шпекбаев. Бұл тапсырмалар Елбасының Жарлығымен 2013 жылдың 31 желтоқсанында бекітілген Қазақстанның құқық қорғау жүйесін одан әрі жаңғыртудың мемлекеттік бағдарламасы шеңберінде іске асатын болады. Осы бағдарламаны біз құқық қорғау органдары жұмысының мазмұнын түбекейлі өзгертуге мүмкіндік беретін құжат деп санаймыз, деді ол. Одан әрі А.Шпекбаев құқық тәртібі жүйесінің дамуы елдегі экономикалық және әлеуметтік саланың жетілдірлуіне қарағанда әжептәуір артта қалып келгенін айтЫП, бұл мәселеге Елбасы өзінің 2010 жылғы Жолдауында-ақ мән бергенін атап өтті. Осыдан кейін Президент «Қазақстан Республикасында құқық қорғау ісі және сот жүйесі тиімділігін арттыру шаралары туралы» Жарлыққа 2010 жылдың 17 тамызында қол қойып, елде кең ауқымдағы реформа басталғанын жеткізді. А.Шпекбаев осы реформаның аясында атқарылған жұмыстарға біршама тоқталып өтті. Соның ішінде құқық бұзушылыққа қарсы зандарды ізгілендіру нәтижесінде елімізде түрмеге отырғызылған адамдар саны 25 пайызға дейін азайғанын айтты. Тергеу шараларының жеңілдетіліп, артық әуре-сарсаңға салушылықтардың азайтылуы арқылы сотқа жіберілген қылмыстық істер ПМ тарапынан – 27, қаржы полициясы тарапынан 19 пайыз ғана болды. Осының арқасында құқық қорғау органдары күш-жігерлерін ауыр және аса ауыр қылмыстарды ашуға көбірек жұмсауға қол жеткізді. Арыз-шағымдарды электронды есептеу

жүйесін енгізгеннен бері қылмысты жасырып қалушылық, жалған жақсы көрсеткішке жетушілік азайтылды. Сонымен қатар, 2013 жылы қылмысты жасырмақ болған, яғни есептеу-тіркеу тәртібін бұзған қызметкерлерге қатысты 108 қылмыстық іс қозғалды. Осындай шарапалардың нәтижесінде жыл сайын жасырылып келген 200 мыңнан артық қылмыстың бары анықталды. Сондай-ақ, А.Шпекбаев кәсіпкерлерге әкімшілік қысым көрсетуді азайту мақсатымен прокуратура органдарында зандардың дұрыс орындалуын қадағалайтын бөлімнің ашылғанын айтты. Ауқымды деңгейде өткізілген аттестаттаудың арқасында құқық қорғау органдары қызметкерлерінің және олардың басшыларының кәсіби сапасын арттыруға қол жеткізілді.

Демилитаризациялау шарасының нәтижесінде 9 мыңға жуық қызметкер погонын шешті, мұның өзі азаматтардың құқық қорғау органдарына деген сенімін арттырды. Енді біздің алдымыздағы міндет – құқық қорғау органдарын «Қазақстан-2050» Стратегиясына сәйкес жаңғырту. Бірінші кезекте біздің алдымызға құқық қорғау жүйесін 2020 жылға дейін жоғары халықаралық стандарттарға сай ету міндеті қойылды. Бұл – барлық жаңғыртулардың сипатын анықтайтын ең маңызды мақсат болып табылады. Осылай деген А.Шпекбаев оны іске асырудың негізгі бағыттарын атап өтті. Соның ішінде 4 жаңа кодекстің жобасы әзірленіп, Парламент қарауына жолданғанын айтты. Олар: Қылмыстық іс жүргізу, Қылмыстық, Қылмыстық-атқару және Әкімшілік құқық бұзушылықтар туралы кодекстер. Қылмыстық сот ісін жүргізу жүйесінің тұжырымдамалық реформасы құқық қорғау органдары қызметінің мазмұны мен сипатын өзгертуді талап етеді. Осыған байланысты, Құқық қорғау жүйесін одан әрі жаңғыртудың 2014-2020 жылдарға арналған мемлекеттік бағдарламасы әзірленіп, бекітілді. Бұған қоса, Кадрлық саясат тұжырымдамасы макұлданды, оны біз аталған бағдарламаны іске асырудың негізгі құралы ретінде қарастырамыз, дей келіп, шешен қазір реформа өзінің шешуші сатысына көшкенін жеткізді. Сөзінің сонында А.Шпекбаев 2020 жылға қарай Қазақстанда жоғары халықаралық стандарттарға сай келетін құқық қорғау жүйесі қалыптасатынын нық түрде айтты. Ол үшін барлық қажетті жағдайлар жасалуда.

Жақсыбай Самрат, «Егемен Қазақстан».